

客語朗讀(四縣腔) 國中學生組 編號 8 號

《落雨个時節》

你看哪！天頂頂又烏天暗地哩啲！

一下仔，雷公、曠燿曠無停，嘩嘩剝剝个雨就落下來哩！

這下，還在操場頂搞个同學，走死無愛老命个走入教室裡背，看佢兜，隻隻都涿到歸圓身仔浴濕、緊啟大氣，樣結煞哪！

毋過，還係有一群好搞个細猴仔，拿等遮仔，著等靴筒，走出去搞水。佢兜搞到有搭有碓，真係蠻皮啲！

上課哩，睹好係恩兜好上个音樂課，先生看著落恁大雨，就教恩兜唱『天空落水』个客家歌：

「天空啊！落水啲！阿妹呀……。」

這首歌仔還生趣！

恩兜歸班个學生仔，越唱感覺越好搞，緊唱就緊有興頭，緊唱有搭碓，唱到毋肯煞；雨聲越大，全班學生就唱到越大聲，盡像同落雨聲、雷公聲比賽，實在有好搞！放學个時節，係堵到落雨，也盡得人畏，無帶遮仔、水衣，就盡命牯走一路轉，轉到屋下，全身浴濕，已會寒著！

故所以，偌奉勸大家，去學校个時節，盡好帶一身水衣、或者帶一支遮仔，若係堵著落雨个時節，就毋使驚哩！